



Reykjavík, 16. mars 2021

SFS2019100023

203. fundur

HG/img

**Viðtakandi:** Skóla- og frístundaráð

**Sendandi:** Helgi Grímsson, sviðsstjóri skóla- og frístundasviðs

---

***Efni: Tillaga sviðsstjóra skóla- og frístundasviðs um opnunartíma leikskóla Reykjavíkurborgar***

Lagt er til að opnunartími leikskóla borgarinnar verði óbreyttur eða frá kl. 7.30 til 16.30, til 15. ágúst 2021. Tillagan tekur mið af þeim kröfum sem gerðar eru til þrifa í leikskólunum vegna COVID faraldursins, og þess starfsumhverfis sem einkennt hefur leikskólastarf borgarinnar í heilt ár með aukinni vinnu vegna þrifa og sóttvarna auk hliðrunar á bæði dvalartíma barna og vinnutíma starfsfólks.

**Greinargerð**

Frá miðjum marsmánuði 2020 hafa leikskólar borgarinnar lokað fyrr en reglur um leikskólaþjónustu gera ráð fyrir, vegna heimsfaraldurs Covid-19. Sóttvarnaraðgerðir hafa þróast frá því að aðeins helmingur barna gat komið í leikskólann dag hvern, yfir í að öll börn gátu sótt leikskólann daglega en þó þannig að hópar máttu ekki blandast og að lokum yfir í að ekki voru fjöldatakmörk um fjölda barna í hópi og hópar máttu blandast. Samhliða þessu hefur leikskólastarfsfólk, allan tímann, þurft að bæta við sig umtalsverðum þrifum og sótthreinsun í húsnæðinu og á leik- og námsefni. Með nýjustu reglugerð heilbrigðisyfirvalda sem tók gildi í lok febrúar s.l. eru enn gerðar umtalsverðar kröfur um þrif umfram það sem gerist í eðlilegu árferði.

Í viðmiðum um þrif er m.a. gerð krafa um að sem minnst sé af leikföngum í umferð í einu og að þrifa beri leikföng þegar skipt er um t.d. Lego sem er í notkun á mánudegi sé þvegið á þriðjudegi og þá að eitthvað annað sé notað í staðinn. Þetta er langt umfram það sem gerist í venjulegu árferði en þrifaáætlun heilbrigðiseftirlits borgarinnar gerir t.d. ráð fyrir að leikföng séu þvegin tvisvar á ári.


Þróun þrifa innan leikskólanna sl. ár hefur orðið sú að eftir að heimilt varð að blanda hópum í útiveru þá er deginum mjög víða lokið með útiveru barna og á meðan börnin eru úti með hluta starfsfólks er einn inni á hverri deild til að skipta út leikföngum og sinna þrifum. Einstök veðurbliða í vetur hefur auðveldað þetta en það getur auðvitað breyst hvenær sem er. Það er ljóst að þessi þrif leggjast ofan á hefðbundin störf starfsfólks, þeim þarf að sinna eftir að starfsfólk og börn eru komin úr húsi þannig að ekki sé aftur umgengni um hluti sem búið er að þrifa. Ef opið er til kl. 17.00 þá þarf starfsfólk að vera lengur í húsi og fram yfir umsaminn vinnutíma, til að ljúka þrifunum.

Sú þróun hefur orðið síðastliðið ár að hliðrun hefur orðið á dvalartíma barna þannig að þau koma fyrir í hús en áður var. Stærri hópar barna eru komnir strax upp úr kl. 8.00 og það er full þörf á öllu starfsfólki kl. 8.30. Því hefur vinnutími starfsfólks einnig hliðrast til og þeir síðustu eru að koma í hús kl. 8.30 og í einhverjum tilfellum kl. 8.40 eða 8.45. Það starfsfólk fullklárar þá að strjúka yfir snertifleti s.s. í fataherbergi eftir kl. 16.30, þegar skólanum er lokað. Með því að loka kl. 16.30 styttest því vinnutími starfsfólks ekki heldur hefur orðið tilfærsla á vinnutíma og fólk kemur fyrir inn í hús að morgni þar sem aukinn þungi er þá.

Á síðastliðnu ári hefur orðið mikil þróun í vinnumhverfi almennings samhliða aukinni fjarvinnu og styttingu vinnutíma og dvalarsamningum barna fram yfir kl. 16.30 hefur fækkað mjög mikið. Ef horft er í tölur frá 1. febrúar 2021 þá eru 247 börn með dvalarsamning eftir kl. 16:30.

- 120 (49%) þessara barna er með dvalarsamning sem nær til 16:45
- 126 (51%) þessara barna er með dvalarsamning til 17:00
- 15 börn eru með 9,5 klst. dvalartíma
- 81 þessara barna fer í grunnskóla í haust.
- Börn sem eru með dvalarsamning eftir 16:30 eru í 45 leikskólum
  - meðalfjöldi barna hjá þessum 45 leikskólum sem eru með dvalarsamning eftir 16:30 er 4,5 börn í leikskóla
  - níu af þessum 45 leikskólum eru með fleiri en átta börn með dvalarsamning eftir 16:30
  - aðeins einn leikskóli er með 16 börn með dvalarsamning eftir 16:30, enginn er með fleiri

Af þessu sést að s.l. ár hafa mun færri foreldrar sótt um dvalartíma eftir kl. 16:30 en fjöldi dvalarsamninganna hefur lækkað úr um 900 (nóvember 2019) í 247 (1. febrúar 2021). Hlutfallið hefur lækkað í sama mæli, en um 17% barna voru með dvalarsamning eftir kl. 16:30 í nóvember 2019, en nú eru aðeins 5% (sjá myndir hér að neðan). Heildarfjöldi barna í leikskólunum hefur þó á sama tíma hækkað um 94 börn.



Samkvæmt upplýsingum frá leikskólastjórum spyrja foreldrar afar lítið eða ekkert um lengri opnun.

Tillagan sem hér er lögð fram tekur mið af þeim kröfum sem gerðar eru til þrifa í leikskólunum og ekki stendur til að slaka á fyrr en eftir að þjóðin hefur verið bólusett, og þess starfsumhverfis sem einkennt hefur leikskólastarf borgarinnar í heilt ár með aukinni vinnu vegna þessara þrifa og sóttvarna auk hliðrunar á bæði dvalartíma barna og vinnutíma starfsfólks. Tillagan er óháð störfum stýrihóps skóla- og frístundaráðs um umbætur og skipulag leikskólastarfs í Reykjavík sem lagði fram tillögu um styttingu opnunartíma leikskóla. Stýrihópurinn hefur starfað frá haustmánuðum 2019 og von er á niðurstöðum hans með tillögum fljótlega. Þar verður m.a. fjallað um opnunartíma leikskóla, dvalartíma barna, skipulag leikskóladagsins og fleiri þætti sem lúta að bættu starfsumhverfi í leikskólum.